

ქ. თბილისი

5 ოქტომბერი, 2017 წელი

ერთი მხრივ, ქ. თბილისის მუნიციპალიტეტის მერიის კულტურის საქალაქო სამსახური, (შემდგომში „სამსახური“), წარმოდგენილი უფროსის მოვალეობის შემსრულებლის მაკანასრუვილის სახით და მეორე მხრივ, სსიპ „მიხეილ თუმანიშვილის სახელობის კინომსახიობთა პროფესიული სახელმწიფო თეატრი“ (შემდგომში „პროექტის განმახორციელებელი“), წარმოდგენილი მისი დირექტორის, ზურაბ გეწადის სახით, ვხელმძღვანელობთ რა საქართველოს კანონმდებლობით, „ქალაქ თბილისის მუნიციპალიტეტის მერიის კულტურის საქალაქო სამსახურის პროგრამებისა და ქვეპროგრამების განხორციელების წესის დამტკიცების შესახებ“ ქ. თბილისის მუნიციპალიტეტის საკრებულოს 2016 წლის 27 დეკემბრის №33-94 დადგენილებით, ქალაქ თბილისის მუნიციპალიტეტის მერიის კულტურის სფეროს განმხილველი კომისიის 2017 წლის 19 სექტემბრის №10 სხდომის ოქმითა და ქალაქ თბილისის მუნიციპალიტეტის მთავრობის 2017 წლის 4 ოქტომბრის № 37.13.718 განკარგულებით

ვდებთ წინამდებარე ხელშეკრულებას შემდეგზე:

მუხლი 1. ხელშეკრულების საგანი

1.1. ხელშეკრულების საგანია ქალაქ თბილისის მუნიციპალიტეტის 2017 წლის ბიუჯეტის ასიგნებათა ფარგლებში გათვალისწინებული პროგრამიდან „კულტურის ღონისძიებები“ (კოდი 08.05), ფესტივალის „საჩუქარი“ (შემდგომში „პროექტი“) განხორციელების ხელშეწყობა (თანადაფინანსება) წინამდებარე ხელშეკრულების დანართის №1 (ხარჯთაღრიცხვა) შესაბამისად. ხელშეკრულებას თან ერთვის დანართი №2 (პროექტის აღწერა).

1.2 მხარეები მხედველობაში იღებენ იმ გარემოებას, რომ წინამდებარე ხელშეკრულებით განსაზღვრული პროექტის ავტორი და წარმომდგენია სსიპ „მიხეილ თუმანიშვილის სახელობის კინომსახიობთა პროფესიული სახელმწიფო თეატრი“.

მუხლი 2. ხელშეკრულების ღირებულება

2.1. ხელშეკრულების ღირებულება შეადგენს 200 000 (ორასი ათასი) ლარს, საქართველოს კანონმდებლობით გათვალისწინებული ყველა გადასახადის ჩათვლით.

მუხლი 3. პროექტის ხარისხი

3.1. პროექტის განმახორციელებლის მიერ განხორციელებული პროექტის ხარისხი უნდა შეესაბამებოდეს წინამდებარე ხელშეკრულებით გათვალისწინებულ პირობებს და დააკმაყოფილოს პროექტის ფარგლებში „სამსახურის“ მოთხოვნები.



მუხლი 4. პროექტის განხორციელებისა და ხელშეკრულების მოქმედების ვადა.

- 4.1 პროექტის განმახორციელებელი იღებს ვალდებულებას განახორციელოს წინამდებარე ხელშეკრულების საგნით განსაზღვრული პროექტი 2017 წლის 15 ნოემბერამდე.
- 4.2. ხელშეკრულება ძალაში შედის მხარეთა მიერ მისი ხელმოწერის მომენტიდან და ძალაშია 2017 წლის 25 დეკემბრის ჩათვლით.

მუხლი 5. ხელშეკრულების შესრულების კონტროლი (ინსპექტირება)

- 5.1. ხელშეკრულების ნაკისრი ვალდებულებების შესრულების კონტროლს ნებისმიერ ეტაპზე ახორციელებს „სამსახური“.
- 5.2. პროექტის განმახორციელებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის განხორციელებისათვის აუცილებელი პირობების შექმნა.
- 5.3 პროექტის განმახორციელებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.
- 5.4. ხელშეკრულებით ნაკისრი ვალდებულებების შესრულების კონტროლს განახორციელებენ ქ. თბილისის მუნიციპალიტეტის მერიის კულტურის საქალაქო სამსახურის თანამშრომლები.

მუხლი 6. პროექტის მიღება-ჩაბარების წესი

- 6.1. პროექტის განხორციელება ფორმდება სამსახურისა და პროექტის განმახორციელებელის საამისოდ უფლებამოსილი წარმომადგენლების მიერ ხელმოწერილი მიღება-ჩაბარების აქტით.
- 6.2. პროექტის ეტაპობრივად განხორციელების შემთხვევაში, თითოეული ეტაპის ბოლოს ფორმდება შუალედური, ხოლო პროექტის დასრულებისას, საბოლოო მიღება-ჩაბარების აქტი.

მუხლი 7. ანგარიშსწორება და ანგარიშსწორების ვალუტა

- 7.1. წინამდებარე ხელშეკრულების ღირებულების ანაზღაურება ხორციელდება უნაღდო ანგარიშსწორებით ლარში. ანგარიშსწორება შესაძლებელია განხორციელდეს ეტაპობრივად.
- 7.2. პროექტის ჯეროვნად და დადგენილ ვადებში განხორციელების შემთხვევაში „სამსახური“ ურიცხავს პროექტის განმახორციელებელს ხელშეკრულების ღირებულებას მის მიერ წარმოდგენილი ფაქტობრივი ხარჯვის დამადასტურებელი დოკუმენტაციის საფუძველზე, მიღება-ჩაბარების აქტის გაფორმებიდან 20 (სამუშაო) დღის განმავლობაში.
- 7.3. ანაზღაურების ადგილია ქალაქი თბილისი.
- 7.4. პროექტის განმახორციელებლის მიერ საბანკო ან სადაზღვევო გარანტიის წარმოდგენის შემთხვევაში შესაძლებელია წინასწარი ანგარიშსწორება ხელშეკრულების ღირებულების არაუმეტეს 50%-ის ოდენობით. საბანკო გარანტიის მოქმედების ვადა 1 (ერთი) თვით უნდა აღემატებოდეს ხელშეკრულებით გათვალისწინებული პროექტის განხორციელების საბოლოო ვადას.
- 7.5. უპირობო, გამოუთხოვადი საავანსო საბანკო გარანტია წარმოდგენილი უნდა იქნას საქართველოს ეროვნული ბანკის მიერ ლიცენზირებული საბანკო დაწესებულებიდან ან სსიპ



„საქართველოს დაზღვევის სახელმწიფო ზედამხედველობის სამსახურის“ მიერ
ლიცენზირებული სადაზღვევო კომპანიიდან, ეროვნულ ვალუტაში - ლარში.

მუხლი 8. მხარეთა უფლება-მოვალეობები და პასუხისმგებლობა

8.1. სამსახურს უფლება აქვს მოსთხოვოს პროექტის განმახორციელებელს ხელშეკრულების
ჯეროვანი, დროული და კეთილსინდისიერი შესრულება.

8.2. პროექტის ჯეროვანი და დადგენილ ვადებში განხორციელების შემთხვევაში სამსახური
ვალდებულია აუნაზღაუროს პროექტის განმახორციელებელს ხელშეკრულების ღირებულება
წინამდებარე ხელშეკრულების პირობების შესაბამისად.

8.3. პროექტის განმახორციელებელს უფლება აქვს მოსთხოვოს სამსახურს მოახდინოს
ანგარიშსწორება ხელშეკრულებით გათვალისწინებული პირობების შესაბამისად.

8.4. პროექტის განმახორციელებელი ვალდებულია:

ა) დაიცვას ხელშეკრულებით გათვალისწინებული ყველა პირობა;

ბ) შეასრულოს მასზე ნაკისრი მოვალეობები მაღალი პროფესიონალიზმითა და ხარისხით;

გ) პასუხისმგებლობით მოეკიდოს ნაკისრი ვალდებულებების შესრულებას;

დ) უზრუნველყოს ამ ხელშეკრულებიდან გამომდინარე დასაფინანსებელი პროექტის
განხორციელებაზე და მის ხარისხზე კონტროლი;

ე) გაითვალისწინოს სამსახურის მოსაზრება პროექტის განხორციელებასთან დაკავშირებულ
საკითხებთან მიმართებაში;

ვ) წარუდგინოს სამსახურს ფაქტობრივი ხარჯვის დამადასტურებელი დოკუმენტაცია და
პროექტის მიმდინარეობის ამსახველი ვიზუალური მასალა არაუგვიანეს 2017 წლის 26
ნოემბრისა.

8.5. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები,
მეორე მხარის წერილობითი თანხმობის გარეშე.

8.6. იმ შემთხვევაში, თუ პროექტის განხორციელებისას ხდება საავტორო და/ან მომიჯნავე
უფლებებით დაცული ობიექტების გამოყენება, პროექტის განმახორციელებელი ვალდებულია,
პროექტის განხორციელებისას დაიცვას საავტორო და მომიჯნავე უფლებების შესახებ
საქართველოს კანონის მოთხოვნები და ხსენებული კანონით დაცული ობიექტების
გამოყენებაზე შესაბამისი უფლებების მფლობელებისაგან და/ან ქონებრივი უფლებების
კოლექტიურად მმართველი ორგანიზაციისაგან მიიღოს ნებართვა.

მუხლი 9. ხელშეკრულების პირობების შეუსრულებლობა.

9.1. მხარეების მიერ ხელშეკრულებით ნაკისრი ვალდებულების შეუსრულებლობა
გამოიწვევს პასუხისმგებლობას მოქმედი კანონმდებლობის შესაბამისად.

9.2. ფორს-მაჟორული პირობების გარდა, ხელშეკრულების დამდები მხარეების მიერ
ხელშეკრულების პირობების შეუსრულებლობისა ან/და დაგვიანებით შესრულების
შემთხვევაში გამოიყენება საჯარიმო სანქციები.

9.3. ხელშეკრულებით ნაკისრი ვალდებულებების შეუსრულებლობის ან არაჯეროვნად
შესრულების შემთხვევაში (გარდა შესრულების ვადის დარღვევისა) პროექტის



განმახორციელებელს დაეკისრება ჯარიმის გადახდა ყოველ ჯერზე ხელშეკრულების ღირებულების 0,5%-ის ოდენობით.

9.4. ხელშეკრულებით ნაკისრი ვალდებულებების შესრულების ვადის გადაცილებისათვის პროექტის განმახორციელებელს დაეკისრება პირგასამტეხლოს გადახდა ყოველ ვადაგადაცილებულ დღეზე ხელშეკრულების ღირებულების 0,5%-ის ოდენობით.

9.5. თუ სამსახური არ ასრულებს წინამდებარე ხელშეკრულების მე-7 მუხლის მოთხოვნებს, დაეკისრება პირგასამტეხლო, ხელშეკრულების ღირებულების 0,5%-ის ოდენობით, ყოველ ვადაგადაცილებულ დღეზე.

მუხლი 10. ხელშეკრულების შეწყვეტა

10.1. ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულებლის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

10.2. ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.

10.3. ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიაღება მეორე მხარის მიერ ხელშეკრულებით ნაკისრი ვალდებულების შეუსრულებლობით.

10.4. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

10.5. სამსახურს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

ა) პროექტის განმახორციელებლის მიერ ხელშეკრულებით ნაკისრი ვალდებულებების დარღვევის შემთხვევაში;

ბ) თუ სამსახურისთვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

გ) საქართველოს კანონმდებლობით გათვალისწინებულ სხვა შემთხვევებში.

10.6. ამ მუხლის 5 პუნქტის ბ) ქვეპუნქტის მითითებულ შემთხვევებში სამსახური ვალდებულია აუნაზღაუროს პროექტის განმახორციელებელს ფაქტიურად გაწეული ხარჯის ღირებულება.

მუხლი 11. ფორს-მაჟორი

11.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

11.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული სამსახურისა და/ან პროექტის განმახორციელებლის შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება



გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

11.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდა ფორს-მაჟორული გარემოებების ზეგავლენისაგან.

მუხლი 12. დავები და მათი გადაწყვეტის წესი

12.1. ხელშეკრულების პროცესში მხარეთა შორის წამოჭრილი ნებისმიერი სახის დავა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

12.2. ხელშეკრულების მიუღწევლობის შემთხვევაში, მხარეები მიმართავენ სასამართლოს საქართველოს კანონმდებლობის შესაბამისად.

მუხლი 13. გარდამავალი და დასკვნითი პირობები

13.1. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი სამსახურთან და მეორე პირი პროექტის განმახორციელებელთან).

13.2. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

13.3 ხელშეკრულებას თან ერთვის პროექტის ხარჯთაღრიცხვა (დანართი №1) და პროექტის აღწერა (დანართი №2), რომლებიც წარმოადგენენ წინამდებარე ხელშეკრულების განუყოფელ ნაწილს.

13.4. მხარეები თანხმდებიან, რომ მათ გაცნობიერებული აქვთ ამ ხელშეკრულებით გათვალისწინებული დებულებებით მინიჭებული უფლებები და დაკისრებული ვალდებულებები, ზუსტად იციან ამ დებულებების შინაარსი და საჭიროების შემთხვევაში მიღებული აქვთ შესაბამისი იურიდიული კონსულტაცია.

13.5. ტელეფონით, ელექტრონული ფოსტით ან/და ფაქსით ურთიერთობისათვის გამოყენებული იქნება:

ა) პროექტის განმახორციელებლის შემდეგი რეკვიზიტები: ზურაბ გეწაძე, ტელ.: 5 99 55 09 12; info@tumaNoishvilitheatre.ge;

ბ) სამსახურის შემდეგი რეკვიზიტები: თამარ თოფურიძე, ტელ.: 514 00 06 06; tetetopuridze@gmail.com;

13.6 სარეკლამო კამპანიის წარმოების შემთხვევაში, პროექტის განმახორციელებელმა უნდა დაიტანოს ქ. თბილისის მუნიციპალიტეტის მერიის ლოგოტიპი პროექტთან დაკავშირებულ სარეკლამო ხასიათის ყველა ბეჭდვით მასალაზე (ფლაერი, ბუკლეტი და სხვა). პროექტთან



დაკავშირებით ბეჭდურ, რადიო და ტელემედიაში გავრცელებულ ინფორმაციაში ხაზგასმით უნდა აღინიშნოს ქ. თბილისის მუნიციპალიტეტის მერიის სახელწოდება. ღონისძიების პიარკამპანიაში გაითვალისწინოს სპიკერი ქ. თბილისის მუნიციპალიტეტის მერიიდან. პროექტის დასრულების შემდეგ, პროექტის განმახორციელებელმა უნდა წარმოადგინოს მედიამონიტორინგის ამსახველი მასალა (ასეთის არსებობის შემთხვევაში).

13.7. ხელშეკრულებით გაუთვალისწინებელი ან/და დაუზუსტებელი დებულებების მიმართ მხარეები მოქმედებენ საქართველოს კანონმდებლობის შესაბამისად.

13.8. ხელშეკრულების ხელმოწერიდან ნებისმიერ დროს ამ ხელშეკრულების რომელიმე დებულების ძალადაკარგულად ცნობა საკანონმდებლო ცვლილების, სასამართლო გადაწყვეტილების ან სხვა გარემოების საფუძველზე, არ იქონიებს გავლენას წინამდებარე ხელშეკრულების სხვა დებულების ნამდვილობაზე, ხოლო, მხარეები კისრულობენ ვალდებულებას ასეთ შემთხვევაში კეთილსინდისიერად აწარმოონ მოლაპარაკებები, რათა ხელშეკრულებაში შეტანილი იქნას ისეთი ცვლილებები, რომლებიც შეძლებისდაგვარად შეინარჩუნებს მხარეთა თავდაპირველ მიზანს.

მუხლი 14. მხარეთა რეკვიზიტები და ხელმოწერები

სამსახური:

ქალაქ თბილისის მუნიციპალიტეტის
მერიის კულტურის საქალაქო სამსახური

მის: ქალაქი თბილისი,
ქ. შარტავას ქ. №7
სახელმწიფო ხაზინა
კოდი: TRESGE22

ა/ა № GE24№B0330100200165022
ს/კოდი: 204521794

სამსახურის უფროსის
მოვალეობის შემსრულებელი

მაკა ნასრაშვილი



პროექტის განმახორციელებელი:


სსიპ „მიხეილ თუმანიშვილის
სახელობის კინომსახიობთა
პროფესიული სახელმწიფო თეატრი”

მის: საქართველო, ქ.თბილისი,
აღმაშენებლის გამზირი №164
სახელმწიფო ხაზინა
კოდი: TRESGE22

ა/ა № 708217015
ს/კოდი: 202270452

დირექტორი

ზურაბ გეწაძე



დანართი № 1

ხარჯთაღრიცხვა

№	დასახელება	ერთეულის ღირებულება	რაოდენობა	სულ
1	კ.მარჯანიშვილის თეატრის დარბაზი	5000	5 დღე	25000
2	სასტუმროს მომსახურება		40 ადამიანი 5 ღამე	32000
3	ბუკლეტი 60 გვ.	5	2000	10000
4	ბანერი 1,5მ	105	10	1050
5	აფიშა A1	3	500	1500
6	მხატვრ. აფიშა - A1	3	500	1500
7	სარეკლამო ბანერი 2მ./3,5 მ.	130	6	780
8	ფლაიერი - 0,21/0,10	0.5	3000	1500
9	ბეიჯი	6	400	2400
10	დასადგამი საიმიჯო ბანერი (შტენდერი)	250	2	500
11	ფესტივალის ფარგლებში ბეჭდვითი მასალის დიზაინერის მომსახურება			4800
12	ფესტივალის მონაწილეთათვის ყველა შიდა გადაადგილება ტრანსპორტით (ტრანსფერები, აეროპორტი, სასტუმრო, თეატრი. სატვირთო მანქანით დეკორაციის გადაზიდვა).			17500
13	ფესტივალის ფარგლებში დოკუმენტაციის მთარგმნელის მომსახურება			1500
14	საფესტივალო ორენოვანი (ქართულ-ინგლისური) ბუკლეტის მომზადების ჰონორარი			3000
15	სარეკლამო ხარჯი (ვიდეო რგოლების დამზადება, სატელევიზიო, რადიო, სოციალური, საინფორმაციო პორტალი)			18000
16	რამდამის ხელოვნების ცენტრიდან ფილიპ ვინსანტის სპექტაკლის პრემიერის - „ქორწინება“ პირდაპირი ტრანსლაციის უზრუნველყოფისთვის მომსახურების ხარჯი			3700

17	ფესტივალის ვებ.გვერდის განახლება- ადმინისტრირების ჰონორარი			2700
18	მასიმო მაჩინის სასტუმრო ხარჯი		1 ადამიანი 6 ღამე	960
19	სპექტაკლის - „განშორება“ დასახვედრი დეკორაციის დამზადება			7000
20	სპექტაკლის - „შეშლილის წერილები“ დასახვედრი დეკორაციის დამზადება			8000
21	ფესტივალის სტუმრების სასტუმროში განთავსებაზე, ავიაბილეთებზე და ტრანსფერებზე პასუხისმგებელი პირის ჰონორარი (აღნიშნულ მომსახურებას ახორციელებს საკუთარი ავტომანქანით)	2000	1 ადამიანი 2 თვე	4000
22	სადადგმო ნაწილის ხელმძღვანელის ჰონორარი	2000	1 ადამიანი 2 თვე	4000
23	გამნათებელი	1000	1 ადამიანი 1 თვე	1000
24	ხმის რეჟისორი	700	1 ადამიანი 1 თვე	700
25	რეკვიზიტორი	500	1 ადამიანი 1 თვე	500
26	ჩამცემელი	500	2 ადამიანი 1 თვე	1000
27	სცენის მემონტაჟე	500	5 ადამიანი 1 თვე	2500
28	ტექნიკური რეჟისორი	500	3 ადამიანი 1 თვე	1500
29	პროექტორის ქირა - 15 000 ANSI LUMEN	1500	5 დღე	7500
30	პროექტორის ქირა - 10 000 ANSI LUMEN	1000	5 დღე	5000
31	აუდიო-ვიდეო განათების აპარატურის და სხვა სახის ინვენტარის იჯარა			16890
32	სამეფო უზნის თეატრის იჯარა (ფესტივალის გახსნა)	5000	1 დღე	5000
33	სასტუმროს მომსახურება1 (თანადაფინანსება)		13 ადამიანი 7 ღამე	7020
	ჯამი:			200000 ლარი

სამსახურის უფროსის
მოვალეობის შემსრულებელი

მ. ნ. ნასრაშვილი



დირექტორი

ზურაბ გეწაძე

დანართი №2

პროექტის აღწერა

პროექტის დასახელება: ფესტივალი „საჩუქარი“

პროექტის ორგანიზატორი: სსიპ „მიხეილ თუმანიშვილის სახელობის კინომსახიობთა პროფესიული სახელმწიფო თეატრი“

პროექტის გამართვის ადგილი: მიხეილ თუმანიშვილის სახელობის კინომსახიობთა პროფესიული სახელმწიფო თეატრი

პროექტის განხორციელების თარიღი: 2017 წლის 15 ნოემბრამდე

პროექტის მოკლე აღწერა: ფესტივალი „საჩუქარი“ წარმოადგენს მიხეილ თუმანიშვილის სახელობის კინომსახიობთა თეატრის ყოველწლიურ საერთაშორისო პროექტს. 2017 წლის საფესტივალო პროგრამა დატვირთულია მსოფლიოში ცნობილი თეატრალური დასების წარმოდგენებით. პროექტის მიზანია ტრადიციული სახელოვნებო ასპარეზის გამყარება ჩვენს ქვეყანაში და მსოფლიოს წამყვან სახელოვნებო ფესტივალების ქსელში საფუძვლიანად ჩაბმა.

სამსახურის უფროსის

მოვალეობის შემსრულებელი

მაკა ნასრაშვილი



დირექტორი

ზურაბ გეჭაძე

